

# فيديو # ٢٤٤ من مقاطع حظر التجول تدبر سورة الزمر # ٢١

## الآيات ٨٦-٥٧

فاضل سليمان

السلام عليكم ورحمة الله وبركاته. اهلا بحضراتكم في المقطع رقم ربعمية اتنين واربعين من مقاطع حظر التجول والحلقة الثانية عشرة والاخيرة من حلقات تدبر سورة الزمر ارجو من حضراتكم تجميعوا المصاحف - [00:00:06](#)

وهنقرا مع بعض من الاية تمانية وستين النهاردة يا جماعة احنا امام مشهد من اخطر مشاهد يوم القيامة اللي تم تصويره في القرآن اقرا معي الاية تمانية وستين. اعوذ بالله السميع العليم من الشيطان الرجيم - [00:00:30](#)

ونفخ في الصور فصعق من في السماوات ومن في الارض الا من شاء الله ثم نفخ فيه اخرى فاذا هم قيام ينظرون اه الجماعة بتوع اليوتيوب الصوت عندكم واضح. يعني انا بصور النهاردة من لاب توب جديد. اول مرة اصور به فعابز اتأكد ان الميكروفون داخل كويس فيه. فارجو بسرعة تكتبوا لي - [00:00:53](#)

الصوت واضح ولا لآ؟ بتوع اليوتيوب الصوت واضح بسرعة اكتبوا لي لو سمحتم معلش انا اسف يا جماعة مش عابزين نتأكد تمام واضح خلاص شكرا يا استازة آآ فلة طيب - [00:01:22](#)

ازا نقرا تاني الاية تمانية وستين ونفخ في الصور فصعق من في السماوات ومن في الارض الا من شاء الله ثم نفخ فيه اخرى فاذا هم قيام ينظرون نفخ في السور اللي هو البوق - [00:01:36](#)

النفخة الاولى اللي سيموت فيها جميع الخلائق اللي في السماوات والارض كلهم الا من شاء الله اهو مكتوب في الاية ونفخ في الصور فصعق من في السماوات ومن في الارض الا من شاء الله - [00:01:55](#)

اي ان ربنا سيستثني البعض من الموت في النفخة الاولى منهم طبعا اسرافيل لان هو اللي هينفخ في البوق وجبريل وقيل ما لك خازن النار وقيل رضوان المسئول عن الجنة - [00:02:16](#)

وقيل سيدنا موسى البخاري جاء رجل من اليهود الى النبي صلى الله عليه وسلم وقد لطم وجهه وقال يا محمد ان رجلا من اصحابك من الانصار لطم وجهي قال ادعوه هاتوا المسلم اللي بيقول عليه ان هو ضربه - [00:02:35](#)

فدعوه قال لما لطمت وجهه؟ ضربته بالقلم؟ قال يا رسول الله اني مررت باليهود فسمعتهم يقول والذي اصطفى موسى على البشر وقلت وعلى محمد واخذتني غصبة فلطمته قال النبي صلى الله عليه وسلم لا تخيروني من بين الانبياء. يعني لا تقولوا اني خير من باقي الانبياء - [00:02:56](#)

شوفوا تواضع النبي عليه الصلاة والسلام. لا تخيروني من بين الانبياء فان الناس يصعقون يوم القيامة فاكون اول من يفيق. اول واحد هيبعث. اول واحد هيفيق من الصعقة فاذا انا بموسى اخذ بقائمة من قوائم العرش. فلا ادري - [00:03:26](#)

افاق قبلي ام جزى بصعقة الطور يعني هل هو افاق قبلي ولا موسى ما ماتش اصلا لانه آآ صعق في الطور وكانت صعقته في الطور موتة من الحديث هنتعلم من النبي عليه الصلاة والسلام التواضع الشديد - [00:03:49](#)

عدم الغيرة من الزملاء. لان انت دول الانبياء. يعني لو هيفغير من حد يغير من نبي من الانبياء. ابدأ كان دايمًا يثني على الانبياء لما قالوا له من اكرم الناس - [00:04:09](#)

قال يوسف هو الكريم ابن الكريم ابن الكريم. اربع اجيال انبياء. فدايمًا كان يثني على الانبياء. اثنى على يونس قال ما

حدش قال من قال اني خير من يونس فقد كذب - [00:04:21](#)

نتعلم من النبي عليه الصلاة والسلام التواضع وحب زملاؤه لو نقدر نقول زملاؤه من زملائه ثانيا انه بيقول لا ادري لما يكون مش متأكد  
يقول مش عارف هو هو موسى آآ فاق قبلي ولا هو ما ماتش اصلا ولا ايه - [00:04:36](#)

بيقول ما هوش متأكد بيقول مش عارف هل احنا نقدر نقول مش عايزين نتدرب على كلمة مش عارفة ثالثا ان كل الخلائق يجب ان  
تموت. والنبي لما شاف سيدنا موسى قابله - [00:04:57](#)

قال يمكن ما ماتش. لانه مات بالفعل لما صعق في الطور. لما طلب انه يرى الله وفي سورة الاعراف احنا تدبرنا قول الله تعالى آآ قال  
ربي ارني انظر اليك. قال لن تراني ولكن انظر الى الجبل فان استقر مكانه فسوف تراني. فلما تجلى ربه للجبل جعله دكا - [00:05:09](#)

وخر موسى صعقة هل الصاعقة بتاعته كانت اغماءة ولا موت بقى النبي نفسه بيقول لك مش عارف في ناس دلوقتي ممكن بيصرخوا  
يقولوا لا يا موسى ما ماتشي. ده اغمى عليه. شوفوا انتم بتتجرأوا ازاى على الادلاء بالمعلومات! النبي نفسه قال مش - [00:05:29](#)

هو انتم ليه مش عارفين تقولوا مش عارفين! ليه احنا ما بقيناش نقول مش عارفين المهم نرجع للاية تمانية وستين ما هو ده الاساس  
في القرآن احنا بنربي به نفسنا - [00:05:48](#)

ربنا قال ايه ؟ اقرا معي تمانية وستين. فصعق من في السماوات ومن في الارض الا من شاء الله. اذا هناك من لن يموت في النفخة  
الاولى ولم يحدد الله بالزبط مين - [00:06:00](#)

المهم انه من سيموت سيموت باذن الله ومن لن يموت لن يموت باذن الله برضو وده الاساس كمل معي تمانية وستين. ثم نوفخ فيه  
اخرى فاذا هم قيام ينظرون النفخة الثانية بقى دي سيقوم الاموات - [00:06:14](#)

يبقى النفخة الاولى هي الساعة. قيام الساعة النفخة الثانية يوم البعث اللي ماتوا في النفخة الاولى سيقومون في النفخة الثانية  
يقومون ينظرون ثاني تمانية وستين ثم نفخ فيه اخرى فاذا هم قيام ينظرون يعني ينتظرون - [00:06:35](#)

قاموا وينتظروا الحساب. طبعا ممكن برضه تكون ينظرون يعني يبصرون لكن الاساس فيها ينظرون قاموا منتظرين  
الحساب اقرا بقى تسعة وستين محكمة واشرقت الارض بنور ربها ووضع الكتاب وجيء بالنبين والشهداء - [00:07:02](#)

وقضي بينهم بالحق وهم لا يظلمون. ووفيت كل نفس ما عملت وهو اعلم بما يفعلون ده مشهد المحكمة. مشهد المحاكمة اول حاجة  
النور هينور. واشرقت الارض بنور ربها المكان اللي هم فيه اشرق. يعني نور. بس مش بنور الشمس. بنور الله - [00:07:28](#)

الله نور السماوات والارض. اقرا معي تسعة وستين. واشرقت الارض ارض ايه؟ اي ارض. الله! هو مش كوكب الارض خلاص  
انتهى وتدمر وانطبقت السماوات عليه اكبر غلطة اكبر غلطة يعملها قارئ القرآن انه يفتكر ان كلمة الارض لما تيجي معناها كوكب

الارض - [00:07:55](#)

غلط اي حاجة بنقف عليها هي ارض اي مكان بنعيش فيه ارض طيب عشان كده يبجي واحد ايه يقرأ والى الارض كيف سطحت  
يقول لك بص وبيقولوا كوكب الارض آآ - [00:08:18](#)

نور ولا كروي؟ مين قال؟ ده الكوكب مسطح ليه؟ اه والى الارض كيف؟ فسطحت اذا الارض مسطحة الارض هي قطعة الارض اللي  
انت واقف عليها ما هي مسطحة قدامك اهي - [00:08:36](#)

مش معناها كوكب الارض الارض ايضا بيجي معناها البلد فرعون قال اني اخاف ان يبديل دينكم او ان يظهر في الارض الفساد. يعني  
يفسد البلد يفسد مصر الارض هنا هي مصر - [00:08:50](#)

نرجع بقى تسعة وستين ثاني. واشرقت الارض بنور ربها. الارض هي ارض المحشر اللي هيحشر اليها الناس لما يقوموا القبور ما هو  
احنا محتاجين ارض عشان نقف عليها حتى لو كان كوكب الارض ده اتطربق خلاص. لكن ما هو ربنا بيخلق ارض عشان ان احنا نقف

عليها. ومحتاجين سماوات ايضا تظلنا - [00:09:05](#)

غير السماوات اللي كانت موجودة. في سورة ابراهيم اللي فيكم فاكر تدبرنا قول الله تعالى يوم تبدل الارض غير الارض والسماوات  
وبرزوا لله الواحد القهار. اذا ارض اخرى وسماوات اخرى - [00:09:30](#)

تبقى في الآخرة يلا مشهد المحاكمة خطير يا جماعة ركزوا معي. اقرأ معي تسعة وستين عينك في الآية واشرقت الأرض بنور ربها ووضع الكتاب أو السجلات التي متسجل فيها كل حاجة بالصوت والصورة - [00:09:48](#)

هتتخط الأدلة الجنائية وضعت في قاعة المحكمة أدلة الأدانة وأدلة البراءة بتاعة الناس كمل الآية وجيء بالنبیین والشهداء وبعد كده الفي اي بيز هيدخلوا بقى الناس المهمة اللي مش هيتحاكموا - [00:10:07](#)

اللي هيشهدوا على المتهمين اللي هيشهدوا على الناس اللي هيتحاكموا مين؟ النبیین والشهداء وأسألوا وقضي بينهم بالحق وهم لا يظلمون. ويتم القضاء بين الناس واخذ الحق للمظلومين من الظالمين - [00:10:28](#)

كل من عذب كل من قتل كل من سجن ظلما كل من سرق مال حد. كل دول سيققتص للمزوم من الزالم ما لهاش حل يبقى الاول المكان بينور بنور ربنا. ثم الأدلة بتوضع. ثم الأنبياء والشهداء بيدخلوا للشهادة على الناس وعلى المحاكمات - [00:10:53](#)

سؤال اشمعنى النبیین والشهداء؟ من دول الناس يعني ليه مش الصالحين معهم يعني؟ ليه مش الصابرين معهم يعني؟ ما هم ناس كويسة برضه اشمعنى النبیین والشهداء؟ ايه الشئ المشترك بين النبیین والشهداء؟ فكروا كده معي - [00:11:13](#)

الشفاعة الأنبياء بيشفعوا والشهداء بيشفعوا فاكرين في اول الصورة لما الكفار قالوا والذين اتخذوا من دونه اولياء ما نعبدهم الا ليقربونا الى الله زلفى الكفار عبدوا الهة مع الله عشان يشفعوا لهم عند الله - [00:11:35](#)

ما حدش هيشفع الا باذن الله. واللي هيشفع هم دول النبیین والشهداء اللي انتم ما سمعتوش كلامهم. الشهداء اللي انتم قتلتموهم يا كفار والنبیین اللي انتم كزبتوهم هم دول اللي هيشفعوا - [00:12:01](#)

مش الالهة الكاوتش بتاعتكم اللي انتم اخترعتوها ثم يقضى بين الناس سبعين ووفيت كل نفس ما عملت وهو اعلم بما يفعلون النفس اللي عملت خير اتحكم لها بالجنة. ووفيت كل نفس ما عملت. والنفس اللي كفرت او اشركت بالله اتحكم لها بالخلود في النار - [00:12:15](#)

والنفس اللي عصت ربنا وغفر لها اتحكم لها بالجنة. بس ممكن في درجة اقل شوية من اللي عملت خيره ومعاصيها قليلة كم بقى بتصدر والنفس اللي عصت ربنا ولم يغفر لها اتحكم لها بالنار فترة عقوبة صغيرة - [00:12:43](#)

ما دام مش كفؤ مش مش ما كنتش نفس كافرة وعصت ربنا تاخذ فترة عقوبة صغيرة مليون سنة عشرة مليون سنة مليار سنة حاجة بسيطة. لكن مش تخلد ابدأ في النار. اللي هتخلد في النار هي النفس الكافرة المشركة التي رفضت الاسلام - [00:13:02](#)

فهمتم بقى معناها ووفيت كل نفس ما عملت. ما فيش حد اتزلم. ليه؟ كمل الآية وهو اعلم بما يفعلون لان ربنا عالم بكل اعمالهم فما فيش حد اتزلم. ووفيت كل نفس ما عملت - [00:13:21](#)

اقرأ بقى واحد وسبعين وسبق الذين كفروا الى جهنم زمرا حتى اذا جاءوها فتحت ابوابها. وقال لهم خزنتها الم يأتكم رسل منكم يتلون عليكم آيات ربكم وينذرونكم لقاء يومكم هذا - [00:13:40](#)

قالوا بلى ولكن حقت كلمة العذاب على الكافرين الكفار هيوخذوا الى جهنم في صورة افواج. زمرا زمرة كل زمرة يعني جماعة الملحين اقفوا هنا كلكم يلا. طابور يا ابني انت وهو - [00:14:03](#)

اتفضلوا يساق الى النار الزمرة اللي بعدها يعني المجموعة اللي بعدها عبدة الاصنام يلا اللي كانوا بيعبدوا بعل اقف هنا طابور اللي كانوا بيعبدوا اللات طابور هنا اللي كانوا يعبدوا منات الطابور ده اللي كانوا بيعبدوا العزة الطابور ده - [00:14:23](#)

اللي عبدوا الأنبياء في ناس عبدت الأنبياء طابور انتم كمان العبد الملائكة طابور اللي عبده الظالم وكانوا بيساعدوه. طابور. ما هو العبادة هي الطاعة في كل شئ كمان. خلوا بالكم - [00:14:43](#)

اللي عبده المال تعس عبده الدرهم تعس عبد الدينار تعس عبد القميص تعس عبده الخميص تعس عبد القطيفة العابدو الموضة طابور اللي عبدوا المال وما كانواش بيقدموه في سبيل الله كانوا بيقدموه على الله - [00:15:01](#)

ما كانواش بينفقوا في سبيل الله اقرأ بقى معي الآية وسبق الذين كفروا الى جهنم زمرا. كل جماعة مع بعض اول ما هيوصلوا ابواب النار هتتفتح بسرعة موسيقى الذين كفروا الى جهنم زمرا حتى اذا جاءوها - [00:15:23](#)

فتحت ابوابها وقال لهم خزنتها الم يأتكم رسل منكم يتلون عليكم آيات ربكم وينذرونكم لقاء يومكم هذا مالك خازن النار والملائكة واقفين على الابواب واول ما يوصلوا بسلامتهم الجماعة اللي هم الكفار جايبين بقى زمرا جايبين جماعات - [00:15:42](#)  
هيسألوهم ايه ده انتم ايه اللي جابكم هنا؟ ببيكتوهم انتم ما جالكوش الرسل منكم ولا ايه؟ ما كانش فيه بصر بشر زيكم كده رسوا رجولكم يتلون عليكم آيات ربكم وينذرونكم لقاء يومكم هذا؟ ما هقرولكوش قرآن؟ ما قرأولكوش توراة؟ ما قرولكوش انجيل؟ ما قرولكوش زبور - [00:16:04](#)

وحياة ربنا كانت كفيلة انها ما تجبكوش هنا انتم جايبين ليه ليه؟ دي كان فيها انزار بيوصف بالزبط كل حاجة حصلت النهاردة في البعس والحساب يتلون عليكم آيات ربكم وينذرونكم لقاء يومكم هذا. كل اللي حصل النهاردة انتم عارفينه - [00:16:24](#)  
وسمعتوه قبل كده. جايبين ليه ردوا عليهم قالوا بلى ولكن حقت كلمة العذاب على الكافرين. اه لأ هم الرسل جت فعلا جت لنا فعلا وقروا لنا آيات ربنا فعلا. وكان فيها انزار بما حدث اليوم فعلا. بس - [00:16:44](#)  
مش قادرين يقولوا احنا كفرنا بغباءنا. لأ لأ قالوا بس كلمة العذاب حقت على الكافرين. يعني اتحكم بالعذاب على الناس اللي كفرت بقى. اللي هم بس خجلانين يقولوها اقرا اتنين وسبعين - [00:17:09](#)

قيل دخول ابواب جهنم خالدين فيها فبئس مثوى المتكبرين. الملائكة قالت لهم طب يلا انت وهو بقى ادخلوا ابواب جهنم اهي قدامكم. انتم قاعدين كتير ومطولين معنا انتم خالدين هنا - [00:17:28](#)

الى دخوله ابواب جهنم خالدين فيها. خالدين فيها يعني قاعدين كتير ومطولين خالدين فيها ابدأ يعني قاعدين الى الابد مش هتخرجوا لكن خالدين فيها يعني قاعدين كتير مدد طويلة المهم ان هو مش هيقعدوا سنة اه وسنة لأ - [00:17:46](#)  
مش دول كانوا عايزين يعبدوا ربنا سنة او سنة لأ يعبدوا ربنا لوحده سنة ويعبدوا ربنا والاصنام معهم في معه لمدة سنة طب انتم هتخشوا النار على طول اهو ما انتوش هتخشوا سنة او سنة لأ ليه - [00:18:09](#)

اخيرا ما فيش فيها الكلام ده اتنين وسبعين قيل ادخلوا ابواب جهنم خالدين فيها فبئس مثوى المتكبرين. اه يا متكبرين يا اللي تكبرتم على عبادة ربنا. يلا ادخلوا بقى النار - [00:18:22](#)

هتطولوا شوية هنا هو فيه مثوى يتاويكم اسوأ من كده فبئس مثوى يعني مكانة التوفي تلاتة وسبعين بقى واستبشر وشف الجمال وسيق الذين اتقوا ربهم الى الجنة زمرا حتى اذا جاءوها وفتحت ابوابها - [00:18:38](#)

وقال لهم خزنتها سلام عليكم طبتم فدخلوها خالدين المتقين بقى اللي اتقوا الله في الدنيا. هيساقوا الى الجنة زمرا. هم كمان جماعات افواج من الناس السعداء الفرحانين اللي بيضحكوا وهم رايعين زمرا - [00:19:08](#)

جماعات الجماعات دي عبارة عن ايه ما نعرفش هل زمرا يعني عائلات كل واحد معه زوجته واولاده واخواته واصدقاؤه وجيرانه وابوه وامه واجداده واحفاده هي دي الزمرة احساس حلو واحد يكون داخل مع قرايبه كلهم كده - [00:19:34](#)

عائلات كبيرة داخله مع بعض فرحانين بالفوز الفوز العظيم ده ربنا يجعلنا منهم ام زمرة يعني اتباع كل نبي مع بعض زمرة اتباع محمد داخلين مع بعض. اتباع المسيح الحقيقيين - [00:19:56](#)

اللي مش اللي ما اشركوش داخلين مع بعض اتباع موسى مع بعض اتباع ابراهيم كل نبي بالزمرة بتاعته برضه لطيفة بصراحة يعني الواحد يدخل مع النبي عليه الصلاة والسلام والصحابة وبشوف علماء الامة ومجاهدين الامة عبر التاريخ. ونشوف بقى صلاح الدين الايوبي اللي - [00:20:12](#)

حرر المسجد الاقصى ويفتروا عليه وبيقولوا عليه احقر شخصية في التاريخ الناس الجهلة دول. والابطال اللي كنا بنقرا عنهم طول الوقت حاجة جميلة ندخل مع زمرة المسلمين يعني. ما دي حلوة برضو - [00:20:31](#)

ولا زمرا يعني جماعات كل جماعة حسب الدرجة الايمانية بتاعتها فزمرة المتقين كلهم داخلين مع بعض. زمرة الصابرين كلهم داخلين مع بعض. زمرة المحسنين كلهم داخلين مع بعض. فدي برضو لطيفة انك تبقى في زمرة - [00:20:44](#)

فيها ناس من اتباع نوح زيك. وناس من اتباع موسى زيك. وناس من اتباع عيسى اللي يشبهوك في التقوى بتاعك. ومن اتباع محمد

وهكذا حلوة برضو صوره بس التفكير بالطريقة دي ينفع - [00:21:00](#)

باحداثيات الدنيا. يعني ايه ؟ يعني في الدنيا هنا لو احنا بنقول جماعات هتدخل المكان الفلاني يبقى حاجة من اتنين. يعني يا اما

الجماعة كده بالشكل ده يا اما الجماعة كده شكلها - [00:21:18](#)

لكن الاخرة اوعوا تحاولوا تفهموا الاخرة باحداثيات الدنيا يعني ايه ؟ يعني الدنيا هنا عندنا فيها احداثيات قل عرض ارتفاع ووقت دي

الاربع احداثيات بتوع الدنيا انما الاخرة ده اللي هو اكس واي زاد وتايم. دي الاحداثيات بتاعة الدنيا - [00:21:28](#)

انما الاخرة مش كده الاخرة انت ممكن تدخل مع عيلتك وتشعر بالمتعة دي وتدخل برضه مع المؤمنين وتشعر بالمتعة دي. وتدخل

برضه مع الفئة الايمانية بتاعتك وتشعر بالمتعة دي كل شيه ممكن في الاخرة - [00:21:55](#)

هقول لكم حاجة يجننكم شوية انتم مش ملاحزين ان من اول ما بدأنا تدبر الايات النهاردة اللي بتوصف المشهد يوم البعث والحساب

ان كل الافعال في الزمن الماضي هي القيامة قامت خلاص ؟ لأ لسة - [00:22:14](#)

هو احنا بعثنا واتحاسبنا؟ لأ لسة طب ليه الصيغة صيغة الماضي؟ افرا معي كام من اول تمانية وستين ونفخ في الصور. ده نفخ

خلاص فصعق من في السماوات ومن في الارض. الله! ده صعقوا خلاص في الماضي - [00:22:39](#)

الا من شاء الله ثم نفخ فيه اخرى. ده النفخة الثانية بتاعة البعث من القبور اتنفخت كمان في الماضي. ايه ده يا جماعة ازاى مش ده

مش دي حاجات هتحصل في المستقبل؟ ازاى يحصل كده - [00:22:56](#)

انا كنت اتوقع الايات تقول ايه وسينفخ في الصور فسيعصق من في السماوات ومن في الارض ثم سينفخ فيه اخرى. صيغة المستقبل

طالما ان ده حدس هيجننك في المستقبل طيب انا عشان تبقوا عارفين بذلت اربع سنوات من حياتي - [00:23:16](#)

بترجم القرآن الكريم مع الدكتورة هالة يوميا بنقعد بس هي هي في بلد اخرى وانا هنا في لندن. بنتعامل بالاياميلات يوميا

وبنترجم ستاشر من عشرة لستاشر ساعة. الترجمة دي - [00:23:37](#)

عشان الايتين دول ايه رأيكم بقى ده السبب الاساسي زاهرة الالتفات في الافعال القرآن الكريم تحدث عن الدار الاخرة خمسميت مرة

بصيغة الماضي للاسف المترجمين اللي ترجموا القرآن مية خمسة وستين ترجمة - [00:23:53](#)

قلبوها فيوتشر تنز كله قلب الى صيغة المستقبل اما قابلت ناس منهم قابلت اربعة خمسة من الكبار يعني اصحاب ترجمات عزيمة

وسألتهم. ليه تغيروا صيغة الافعال كلهم قالوا نفس الكلام. القارئ الانجليزي هيستغربها - [00:24:19](#)

وايه ؟ ما يستغرب ما تسيبوش تهرب ربنا يريد ان هو يستغرب زي ما احنا استغربنا بالعربي وخلصنا نفكر فيها وتندبرها ليه نحرم

القرية الانجليزي من انه يتدبر هو كمان - [00:24:43](#)

بصوا يا جماعة في مفسرين قالوا ان ربنا لما استخدم صيغة الماضي عن احداث مستقبلية ستحدث في المستقبل هذا اسلوب توكيد

ربنا بيؤكد ان هذه الاحداث اللي هي يوم القيامة ستحدث - [00:25:00](#)

تأكيد وكأنها حصلت خلاص لكن ايضا الله هو الاول والاخر الاول بلا بداية والاخر بلا نهاية. فربنا سبحانه وتعالى لا يحده زمان

المستقبل ده مستقبل بالنسبة لك انت مش بالنسبة لربنا - [00:25:20](#)

فكل الاحداث اللي هي بالنسبة لك مستقبل هي حدثت بالنسبة لربنا خلاص في علم الله خلصت يعني ايه يعني طالما ربنا قال ان اهل

النار دخلوا النار واهل الجنة دخلوا الجنة فده معناه فعلا ان اهل النار دخلوا النار واهل الجنة دخلوا الجنة. واحنا لسه - [00:25:45](#)

هنا في الدنيا واحنا هنا في الدنيا واحنا هناك في الاخرة برضو ما ينفعش نقول احنا هنا وهناك في نفس الوقت لان ما احناش نفس

الوقت. اهي دي النقطة اللي بقولها لكم. ما تحاولوش تفهموا الاخرة باحداثيات الدنيا - [00:26:07](#)

الزمن في الدنيا مختلف عن الزمن في الاخر طب اقول لكم على حاجة. مش مش الشيطان انطرد من الجنة وبعدين راح لادم وحواء

ووسوس لهم ياكلوا الشجرة. راح لهم ازاى اذا كان هو برة. يعني كلمهم بالتليفون يعني - [00:26:24](#)

ما تقدرش تفهم دي احداثيات الاخرة. ما تحاولش تفهمها باحداثيات الدنيا. مش هتفهمها اذا القيامة باحداثيات الدنيا لم تحدث بعد.

لكن باحداثيات الاخرة هي حدثت واللي انت بتعمله هنا في الدنيا بيغير وضعك هناك اوتوماتيكي - [00:26:38](#)

الكلام طبعا ممكن يجنن الواحد نرجع لثلاثة وسبعين وسبق الذين اتقوا ربهم الى الجنة زمرا حتى اذا جاءوها وفتحت ابوابها وقال لهم خزنتها سلام عليكم طبتم فادخلوها خالدين اللي اتقوا الله - [00:26:59](#)

سيقوا جماعات الى الجنة لما وصلوا اقرا معي ثلاثة وسبعين حتى اذا جاؤوها ابوابها انفتحت وفتحت ابوابها هنا في واو قبل فتحت بينما في الاية واحد وسبعين ما فيش واو قبل فتحت ابواب جهنم - [00:27:20](#)

ما فيش واو ارجع اقرا كده واحد وسبعين معي. وبص الفرق بينهم وثيق الذين كفروا الى جهنم زمرا. حتى اذا جاءوها فتحت ابوابها في مفسرين قالوا حاولوا يتدبروها يعني. يعني ما فيش ادلة اوي على التفاسير دي. فهي ده هنا تدبر ده مش مش تفسير يعني - [00:27:42](#)

قال لك الابواب بتاعة جهنم اتفتحت بسرعة علشان الكفار اكيد كان نفسهم ان الابواب تتعطل وما تفتتحش يعني هم وصلوا لغاية جهنم طوابير زمراء نفسهم الابواب ما تفتتحش. لأ دي فتحت وبسرعة - [00:28:05](#)

عشان يشعروا بالحزن وبالاسى اكثر انما ابواب الجنة فيه واو قبلها لان يعني شوية وقت على ما فتحت عشان تزود اشتياق اهل الجنة للجنة بس بصراحة فيه تفسير اخر بقى لطيف جدا وما يمنعش ان فعلا ابواب الجنة تاخذ وقت شوية عشان تشوقنا وايضا ان الواو دي - [00:28:24](#)

تكون ما يسميه بعض علماء اللغة واو الثمانية بعض علماء اللغة دي مختلف فيها عند علماء اللغة قالوا ان هناك ما يسمى علماء آآ واو الثمانية. يعني ايه قال لك العرب بتعتبر العدد سبعة هو عدد كامل - [00:28:50](#)

ما بعده استئناف فلما يعدوا يقول لك خمسة ستة سبعة وتمانية فبعد سبعة يحط واو. وتمانية. فسموها واو الثمانية طبعا انتم عندكم احباط دلوقتي. هو ده التفسير اللي عاجبك - [00:29:14](#)

انت شايف ان هو ده اللي مقنع يعني بالنسبة لك طب انت بس اصبروا شوية علي انا هافنعمكم به دلوقتي خلوني اوربكم امسلة على واو الثمانية في سورة الكهف ربنا يقول ايه - [00:29:35](#)

سيقولون ثلاثة رابعهم كلبهم. ويقولون خمسة سادسهم كلبهم رجما بالغيب ويقولون سبعة ما قلش ثامنهم قال وثامنهم كلبهم اتحطت الواو قبل وثامنهم في سورة التحريم ربنا بيكلم زوجات النبي عليه الصلاة والسلام لما عملوا اضراب - [00:29:47](#)

كان فيه مشكلة في بيوت النبي واتجمعوا مع بعض وبيطالبوا بزيادة الفلوس وزيادة النفقة عايزين مصروف بيت اكبر فربنا قال لهم عسى ربه ان يطلعن ان يبده أزواجا خيرا منكن - [00:30:10](#)

مسلمات عد معي. مؤمنات قانتات ثابتات عابدات سائحات ثيبات كده سبعة ها وابكارا وعند الثانية راح حاطط الواو في سورة التوبة التائبون العابدون الحامدون السائحون الراكعون الساجدون الآمرون بالمعروف والناهون عن المنكر. دي حاجة واحدة كده سبعة - [00:30:26](#)

والحافظون لحدود الله. وفي التم حطه واو طيب هيقول لي اصل في اللغة الواو بتستخدم للفصل بين المتقابلين. الحاجات اللي عكس بعض لازم يتحط بينهم واو عشان ما ينفعش يجمع مسلا - [00:31:01](#)

فاتن وابكارا في سورة التحريم. لان ما ينفعش الثيوب والبكورة تجتمع في امرأة واحدة وفي الكهف وثامنهم كلبهم برضه للفصل بين متقابلين ما فيش ما فيش حاجة عكس بعض في الكهف - [00:31:16](#)

قال لك لأ في الكهف الواو هنا حرف زائد ما فيش حاجة في القرآن اسمها حرف زائد ايه اللي في القرآن؟ ما فيش حرف زائد في القرآن في جميع كتب السنة - [00:31:34](#)

ورد ان للجنة ثمانية ابواب يعني في البخاري مسلا كل كتب السنة ورد فيها ان الجنة اللي هي ثمانية ابواب في البخاري آآ في الجنة الرسول عليه الصلاة والسلام يقول في الجنة ثمانية ابواب - [00:31:50](#)

فيها باب يسمى الريان لا يدخله الا الصائمون. اذا في تمن ابواب في الجنة صح؟ طيب. ارجع بقى لثلاثة وسبعين هات بقى الاية ثلاثة وسبعين وشف واو الثمانية جت ليه؟ ما هي كلمة ابواب مش موجودة اصلا. لا موجود بس يعني كلمة ثمانية مش موجودة -

احنا قلنا عندنا كم باب في الجنة تمانية في السنة. اقرا بقى معي ثلاثة وسبعين وسبق الذين اتقوا ربهم الى الجنة زمرا. حتى اذا جاءوا وفتحت ابوابها وكأنها اشارة الى صدق كلام النبي صلى الله عليه وسلم عن عدد ابواب الجنة ان عدد ابواب الجنة مش مذكور في القرآن بل مذكور في السنة - [00:32:27](#)

وقال لهم خزنتها سلام عليكم طبتم فادخلوها خالدين الملائكة هيرحبوا باهل الجنة سلام عليكم وهيدعوا لهم فادخلوها خالدين. انتم مش هتستمتعوا هنا فترة! ده انتم هنا للابد زي ما الملائكة بكنه اهل النار وهم داخلين وقالوا لهم ايه اللي جابكم هنا؟ انتم ما جالكوش انبيا يقرؤا لكم كتب ولا ايه؟ الم يأتكم رسل - [00:32:51](#)

منكم يتلون عليكم آيات ربكم وينذرونكم لقاء يومكم هذا؟ بينكدوا عليهم الملائكة هيرحبوا باهل الجنة بقى وهم داخلين فادخلوها خالدين طيب اربعة وسبعين وقالوا الحمد لله الذي صدقنا وعده واورثنا الارض نتبوا من الجنة حيث نشاء - [00:33:23](#)  
ونعم اجر العالمين المؤمنين هيقولوا احلى الحمد لله يومها احلى الحمد لله اتقالت في حياتهم هي مش حياتهم. يوم بعد البعث بقى الحمد لله الحمد لله الذي صدقنا وعده ربنا صدق وعده لهم. دخلوا الجنة فعلا. خدوا الثواب على اللي اللي هم صبروا عليه -

على صبرهم وعلى عملهم اربعة وسبعين وقالوا الحمد لله الذي صدقنا وعده واورثنا الارض نتبوا من الجنة حيث نشاء الارض دي الارض الجديدة اللي في الاخرة. اللي هي ارض الجنة - [00:34:17](#)

لانهم هيرثوا اهل النار. ما هو كل انسان عنده مكان في الجنة ومكان في النار لما يستقر اهل الجنة في الجنة واهل النار في النار الاماكن الفاضية اللي في الجنة - [00:34:36](#)

نتيجة دخول اهل النار النار وفقدوا الاماكن دي هيورثها اهل الجنة وهيحمدا ربهم انهم ورسوا هذه الاماكن بالاضافة للاماكن الاصلية بتاعتهم. اقرا اربعة وسبعين ثاني نتبوا من الجنة حيث نشاء - [00:34:49](#)

فنعم اجر العالمين. اه هو ده نظام ربنا. اللي يذاكر ينجح من جد وجد هم ما دخلوش الجنة عشان اسمائهم طلعت بالصدقة في القرعة. لأ. الجنة ما بتدخلش بالقرعة ما بتدخلش بالصدقة. فنعم اجر - [00:35:08](#)

املين في تمن بيتدفع عشان الجنة الا ان سلعة الله غالية. الا ان سلعة الله الجنة اقرا خمسة وسبعين وترى الملائكة حافين من حول العرش يسبحون بحمد ربهم وقضي بينهم بالحق وقيل - [00:35:29](#)

الحمد لله رب العالمين لما الواحد يقف كده في الدور الاول في المسجد الحرام وينظر على الطواف من فوق حول الكعبة منزر مهيب الاخرة بقى هناك منزر اهب واروع هيبقى من نصيب النبي عليه الصلاة والسلام - [00:35:51](#)

وترى الملائكة الخطاب للنبي صلى الله عليه وسلم وترى الملائكة حافين من حول العرش. يسبحون بحمد ربهم يعني يا محمد هوريك طواف الملائكة حول عرشي. وهم يبسبحوا بحمد ربهم كمل الاية خمسة وسبعين وقضي بينهم بالحق. وقيل الحمد لله رب العالمين.

وقضي بينهم يعني وقضي بين الناس بالحق - [00:36:13](#)

او وقضي بين الملائكة اللي يبسبحوا حوا ويتوفوا حوالي العرش دول حافين يعني بيدوروا حول الحواف قضي بين الملائكة طب ازاى قضي بين الملائكة يعني انزل كل ملك من الملائكة في منزلته التي يستحقها - [00:36:43](#)

وما فيش ملائكة بتعاقب ولا ما فيش ولكن بتخش حتى الجنة. هو قضي بينهم يعني كل ملك بقى في المنزلة بتاعته. وبيطوف حول العرش والكل سعيد والكل راضي بمنزلته وبيقول وقيل الحمد لله رب العالمين - [00:37:03](#)

قبل ما نقفل الحلقة فيه ملاحزة مشهد البعث والحساب يا جماعة في سورة الزمر قفز فوق تفاصيل قيام الساعة وقفز فوق تفاصيل البعث والحساب. مش زي مسلا صورة عبس آآ يوم يفر المرء من اخيه وامه وابيه وصاحبته وبنيه لكل امرئ منهم يومئذ شأن يغنيه.

لأ قفز فوق التفاصيل - [00:37:20](#)

قفز فوق مشهد يعني الجنة والنار واللي بيحصل جواها مسلا في سورة الصافات الكاميرا القرآنية دخلت بنا فرجتنا على العزاء جوة

النار وذلك خير ام شجرة الزقوم انا جعلناها فتنة للظالمين - [00:37:47](#)

انها شجرة تخرج في اصل الجحيم طلوعها كانه رؤوس الشياطين فانهم لآكلون منها فمالئون منها البطوط يعني تفاصيل اللي بيحصل جوة النار الخناقة اللي بين الكفار والاتباع والقادة المتبوعين كل ده جه - [00:38:06](#)

واقبل بعضهم على بعض يتساءلون قالوا انكم كنتم تأتوننا عن اليمين. قالوا ان لم تكونوا مؤمنين. انتم هتلبسوها فينا ولا ايه؟ انتم اللي ما كنتوش مؤمنين وما كان لنا عليكم من سلطان بل كنتم قوما طاغين. خناقة بين الاتباع والمتبوعين والقادة والضعفاء -

[00:38:28](#)

الكاميرا القرآنية دخلت بنا جوة الجنة اولئك لهم رزق معلوم. فواكه وهم مكرمون في جنات النعيم على سرر متقابلين. يطاف عليهم بكأس من معين بيضاء لذة للشاربين لا فيها غول ولا هم عنها ينزفون. وعندهم قاصرات الطرف عين كأنهم - [00:38:52](#)

هن بيض مكنون كل صورة اخدت مشهد من مشاهد الاخرة وابدعت فيه سورة الزمر ركزت على الشرك والتوحيد من اول السورة

واظهرت مظاهر قدرة الله التي تجعل القارئ المتدبر يؤمن ايمان راسخ - [00:39:14](#)

باستحقاق الله وحده في العبادة ومن هذه المظاهر ان الله سبحانه وتعالى هو الوكيل هو المتحكم في كل شئ في السماوات والارض ومتحكم في مآل مصير الخلائق في الاخرة. فمنهم اللي هيدخله الجنة ومنهم اللي هيدخله النار. وكل واحد يختار بقى - [00:39:38](#)

قالوا يختار مصيره بعد ما تبين له الحق. فهتجد ان كل صورة لها شخصيتها وكل صورة تناولت موضوع الاخرة تناولته بطريقة

مختلفة ومن زاوية مختلفة تخدم على موضوع السورة اتوقف هنا الليلة - [00:40:03](#)

اللهم انا نسألك حبك وحب من يحبك وحب كل عمل يقربنا الى حبك اللهم ما رزقتنا ما نحب فاجعله قوة لنا فيما تحب. وما زويت عنا مما نحب فاجعله فراغا لنا فيما تحب - [00:40:20](#)

اللهم اجعل حبك احب الينا من اهلينا واموالنا ومن الماء البارد على الظمأ اللهم حببنا اليك والى ملائكتك وانبيائك ورسلك وعبادك

الصالحين. واجعلنا ممن يحبك ويحب ملائكتك وانبيائك ورسلك وعبادك الصالحين - [00:40:37](#)

اللهم احببنا بحبك واجعلنا لك كما تحب. اللهم اجعلنا نحبك بكل قلوبنا. ونرضيك بكل اجسادنا. اللهم اجعل حبا كله لك وسعينا

كله وفي مرضاتك اللهم اجعل القرآن الكريم ربيع قلوبنا ونور صدورنا وجلء احزاننا وذهاب همومنا وغمومنا ومغفرة ذنوبنا -

[00:40:58](#)

اسأل الله العلي العظيم ان يجعل هذا التدبر في ميزان حسناتي وحسناتكم جميعا اللهم فاطر السماوات والارض عالم الغيب والشهادة انت تحكم بين عبادك فيما كانوا فيه يختلفون فبحق كل حرف في كتابك تلوناه او تدبرناه اكفنا واهلينا شر كل من يكيده لنا ولهم

واحفظنا واياهم من شرورهم ونجعلك الله - [00:41:24](#)

ثم في نحورهم فانت الوكيل ولا حول ولا قوة الا بك اللهم بحق كل حرف في كتابك تلوناه او تدبرناه. ايد بنصرك المرابطين في

الارض المباركة فلسطين وانصرهم وانصر من نصرهم واخذل من خذلهم وطهر المسجد الاقصى من الدنس فانهم لا يعجزونك -

[00:41:50](#)

اللهم من قضى منا بالوباء المنتشر فاكتبها له شهادة. ومن كان منا او من احبابنا او من اخواننا او من اخواتنا او من مشايخنا او من

علمائنا مريضا به او حاملا له فيلبسه ثوب الصحة والعافية عاجلا غير اجل - [00:42:12](#)

ومن لم يصب به فقه شره وابعده عنه. ولا تسلطه الا على اعدائك واعداء دينك واعداء اوليائك اللهم انك تعلم ان هذه القلوب قد

اجتمعت على كتابك وعلى محبتك. والتقت يا ربنا على طاعتك - [00:42:30](#)

وتوحدت على دعوتك وتعاهدت على نصرة شريعتك فوثق اللهم رابطتها وادم ودها واهدها سبلها. واملأها بنورك الذي لا يخبو. واشرح

صدرها بفيض الايمان بك وجميل التوكل عليك. واحيها يا ربنا بمعرفتك. وامتها يا مولانا على الشهادة في سبيلك. انك نعم المولى

ونعم - [00:42:49](#)

النصير والسلام عليكم ورحمة الله وبركاته. ونراكم غدا باذن الله في نفس هذا الموعد ان كنا من اهل الدنيا - [00:43:14](#)